


沈乃文 主編

明別集叢刊 第二輯

第四十二冊

黃山書社





國家出版基金項目
NATIONAL PUBLICATION FOUNDATION


「十二五」國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第二輯

第四十二冊

黃山書社



(明)王從善 著

鳳林先生文集四卷

明嘉靖四十五年衛東楚刻本

余襄漢峴環峙龍鳳騫伏自昔耆舊大雅稱雄列郡廼若考功王先生今之耆舊也先生家世纓組都督平蠻公諱信之胄子也生而穎敏負奇抱不樂武弁介胄之習少補弟子員卽以倡明道學爲已任弘治戊午領鄉薦愈厭科舉之學考槃習池選勝耽幽或有所感觸發

而爲文爲詩爲歌皆以闡摠性靈軌範世俗炳烺春蔚渾融典則絕不爲兒女子脂膏語且性恬靜耻芬華聞嘉魚李大崖先生遊白沙先生之門而有得者卽往依之歸而以其所聞者日相講明若將終身焉優游林麓餘二十年嘉靖癸未登進士第時已知命餘矣南宮授家狀人有以隱齒告者先生曰未事

君而先欺吾不忍也竟以實報同進者食以大噐異之有自耻其不情而改之者觀政西臺日以詩文自娛轂華遂聞諸薦紳趨謁賁冊者晝靡停晷先生亦應給裕如也以資格拜溧水令美政卓越至今家戶祝而人傳誦不衰當其應

欽取而來考功之命下也先生不色喜不嗜進獨計復隱於習池之上日伍漁樵仍力著作晚年道益進詩文益工評文家有以超軼秦漢馳驅李杜寄聲者於乎真知言哉惜也天不假年而駿烈未究否將接踵名臣而有功於天下後世必矣然則是集乃先生功德之緒餘耳端端然以文學稱先生者所見亦淺矣先生伯子希鳳君惻厥考之不世恐遺稿之久澯詩集已請於大司馬北村略

公刻於郎而序之。公之文也。其
帙而謀刻於余。余之文也。其
聞先生也。久且在。三。成。日。規。淺。裏。膚。識
不能揚盛。等。以。託。後。今。欲。壽。諸。梓
也。余以少濱。等。重。文。哲。曾。有。一。日
之。雅。故。敢。馳。以。託。不。朽。知。衛。君
必不我拒也。等。筆。而。叙。之。以。識。其。大。都
如此。若夫世德之盛。自有郡國之史。在
鳳林先生文集卷之一

余何贅先生請從善字承吉今崇祀於
鄉耆舊諸公之右鳳林其別號云

嘉靖四十五年九月吉

賜進士文林郎奉

勅巡視京營前直隸山東江西道

察御史後學劉存義撰

鳳林先生文集卷之一

鳳林王從善著

男希鳳子王之瑞輯

郡人漢樓劉存義校

南陽少濱衛東楚刊

上大司成石先生書

生聞天下之士號爲知己者非徒勢位相等鄉
里相接情意相唯諾而已蓋其中必有人不及
知而我獨知之我知之人復知我斯二人也謂

之知己非與世有執肱把袂朝夕愉愉若不相
背棄者而其中險巇峭峻雖灑灑不足以喻之
如此果可謂之知己乎由是上有得君行道如
伊呂下有違時自安於蓬華者道相同情相依
上不以卑躬自嫌下不以攀援自惡而人不以
要譽非之果不可謂之知己乎執事以中州豪
傑久鳴玉堂之盛昆季顯揚繼登右職天下號
爲文章家此非生之諛言也唯是成均之地非
執事之敦篤方重深沉隱默亦不足以鎮浮議

而來天下之心然生竊有獻焉朋儕曰何爾也天下之善士爲天下俊遊之冠冕將服從之不暇爾亦何辭大者得一言之溫而已否則呵譴隨之爾亦何取於是嗚呼泰山滄海所以就其高深者以其能容受而已果若斯人之言其望執事也不亦薄乎此生所以不憚於辭說也且生自少癖於山林無意世事後以親命強起應州里之選中遭行役百態酸辛敝廬在習家池上在晉習鑿齒居之精於史在唐杜審言居之精於詩山水環抱先塋寓焉生之樂而居此以忘世也久矣以詩與史自名頗非生之志然而青山白雲魚蝦糲秫不求於人而自足生亦終其身而甘心焉知不足以自裁義不疑以決人鄉里郡邑之所以相逼迫蓋欲得古官而後已斯亦老母之志也言拙意鈍對人兩發亦輒不知行之當否恒得罪於人所求未得而先病矣來遊太學明師居教化之宗橋門環四方之英接殷屯屯徃復自失側陋之目二三之朋效

於此也其一 僅而百碎也無幾心復稍有樂切磋琢磨此亦聖門一大功業但傷年勞一事積日累歲終以爲功較於頃刻之間而不復計其才業吁制度之不可易也此不待於言矣私念執事居善材之位操有爲之術處可爲之時能不少加之意乎蓋德義不立則人弛於名節名節不立則懷利者進士不爭自刮磨在上者何恃以爲勵世之具是執事之憂方重而下懷獨切切焉不能以一日安也且生山林麋鹿比於執事雲泥之相懸也疾趨長跪於堂序之下左右得意者方席大人之勢而凌轢之其去卒隸能幾何哉遂使士人安然喪其廉耻之心挫其節義之美以爲是必然耳執事於諸生師生之分恩義之交而且令人蒼黃失視爲此凜凜他日雷霆之下萬鈞之重其不壞於天子之廷者幾希此宜爲大君子之所隱也然生所以強顏而不去者曾子三釜而樂毛義棒微而喜二子一簞之行雖非聖人之至然事有

可據故一言之蓋人心之所同然非可得而
也毫末分寸尚不可矯而爲之其不能詐而爲
此也亦審矣此亦時俗之所指者不得已更
舒之伏望廣滄波之量垂洙泗之仁凡可成就
不惜援引使風聲四騰賢不肖異路則遊人沾
陽城之德慕平仲之義尤有望於上之者然後
退耕於山著爲日錄或可以備一代野史執事
方來宰制天下收拾古今作史者引爲木天列
傳之首萬一有採而合之者不亦休乎此生自

蘇先生文集

卷之二

四

信有功於執事也夫以蚯蚓眠食於華岳之上
借其草露安其丘垤則亦知身之所托若夫垂
天之鵬烈風之虎未必能記其宿昔之所藏也
則生不敢而願效蚯蚓焉古之大臣能受盡言
然後可以諫君已不能受而欲肩於日月之明
難矣唯執事敢以此言盡故不避誅責妄到庭
除乞少加採納以廣求賢之路使四方之士曰
某之愚得自托於大賢之門執事之仁亦有如
某之愚者溷於函丈之下而不拒其戾今公不

勝至願不然唱名而入計日而出道同也不得
領於一言情相依也 渺然若聞於河山上無
以發揚盛德之光下無以罄其鄙陋之私其不
得爲前所云云而負於執事也決然矣干瀆鈞
顏死罪死罪

石先生批荅

覽記具悉子志且欲砥吾闕德意甚美但
自言少無宦情又耽愛山水樂而忘老猶
未免蹈東晉之失又不欲以詩史自名若

蘇先生文集

卷之二

五

使上之無道德次之無功業不知將居身
何所且已不屑史而欲爲日錄雜記小說
又衆之餘無乃或爲習氏所笑昔司馬子
長世爲太史習知漢朝故事故欲著書藏
之名山茲欲退耕山林著爲日錄襄陽雖
達郊恐所風聞者亦朝野之畧其所目擊
者不過草澤之事以如是之見聞而欲持
之以概天下率然而論沉然而擬不知何
所取信於人而天下後世亦不知當有幾

許受屈者矣且君親一道也如子之才學校以養之計吏以薦之服其衣冠食其廩餼登其聲名於書冊其所成就如此今子所以報

者未至也而曰爲親而出義同捧檄若使不爲親出則

君上莫大之賜遽可忘乎唯是規我以德義名節此論最爲近古但愚性狷狹寡諧不能脂隨瓦合縉紳之所習知故在上者聞而

鳳林先生文集

卷之二

太

用之似爲矯枉力小任重誠不知師道當如何而尊德義當如何而立賢不肖當如何而使之異路也子幸爲我勸善之旌論義之韜明辯而謹思之且歛其虛驕之氣充其不自欺之心庶其義利之類則雖不爲日錄無知已於天下亦不害爲高明之士矣子其力行之無負於辭

再荅石司成先生書

生草郊鄙野漁樵之伍不識忌諱妄有陳請荷

蒙執事不加誅責撫以溫言引以與義開之前而携之於後海涵春育化被心融念此良藥

爲焉素伏惟執事恬然於道履德行義

朝野之所知聞拔一人而千萬人警於其位此

今日在上者之用心也然生猶有所冒焉以進

者思執事樂善無厭求賢不已在達人君子之

所自居故必云云而不以隱忍也不意誤被收

箴芻蕘見錄光生逆旅義動朋流雖光範之於

鳳林先生文集

卷之二

七

昌黎潞公之於伊川不能過之且云欲爲進善之旌喻義之韜讀此使人不覺神開意健謀道而庸執事聰明蓋世位率群英心聖賢之道施唐虞之術猶且不遺踈賤曲意俯從昌言之必拜鄉校之不毀又復見於今矣

明君御極得人如此其所以收攬英雄而爲當

世之用必不

使席焉於成均而以肝食也且使士夫微賤亦

何所恃而不受盡言受其言而不說繹說之而

不改圖以至於必敗其身是執事師道之立而

善人之多蓋不待形諸標格加於鞭扑而士風

欣欣然震動矣且生狂斐無知素以文辭自薄

欲身先德義而刊落枝葉庶幾人有實行世獲

真材不然據紙上之陳迹講說諄稠言論駭動

求之於已漫不相干生之所謂一擗百碎不爲

虛談而爲當世之弊決矣此生不敢私以爲得

而獻之執事意欲汲滄海之波以潤四方之士

之偏枯生澁非敢曰一綫之源益深而就大也

求士於三代之下惟恐其不好名斯言也待士

鳳林先生集

卷之二

八

亦輕矣然矯枉之功不得不如此以名礪之猶

有拜塵嘗溺之輩接踵若更將此字一筆勾斷

則頽頽焉何所底極乎此生必以爲執事之大

憂也蓋公論不在廟堂則在縉紳且廟堂用才

之地學校養材之所不成於此何用於彼乎此

生之切望而不敢曲爲回護也我

朝康邑吳先生分甘山林樂道自重

英廟待之加其禮際

寵以金幣榮以美爵

御正衙以受其朝以行其君臣之義

退於便殿坐以問道閑以耆艾又以賓禮行之

聖人待士之仁禮士之重爲

國家無窮之計天下之大夫士仰而望之以爲

賢者必出於此不肖者將奔走之不暇矣我亦

何爲而不求以自重乎蓋其樞機斡旋之際微

妙精深而化之形於天下者風動氣感自然之

應非作意而爲者顧不爲後世之大法邪生以

疎微末學妄意高明步蹇心麓蹈履失矩恒欲

鳳林先生集

卷之二

九

怡養性情使其安靜恬愉以爲制事之本然後

積以書史窮以事物使其融通周液相爲浹洽

內有立而外有應則沛然其如順風之蓬無所

滯礙而可以自慰若其口耳聞見雖足以誇多

鬪靡已非爲已之學而況以此求聲譽謀富貴

又失之速矣橫渠曰孰能少置意科舉相從於

堯舜之域舉業壞人相沿之大弊聞者曰此惟

人也何至爲是言若其知者曰知之而蹈之所

謂耻過作非者何共自相謬歟執事不惜耆黃

之劑乾父之艾輒以加於門人登泰山而不知其高遊滄海而不知其深亦非生之所以自謀也日錄之作誠如執事之慮所及生之意以爲周遊湖海足跡半天下高人逸士奇謀異見凡有所接不可泯也故欲著爲一編自備遺忘他日有採一得之愚者庶幾合焉不然

聖明天子英輔義弼金縢石室例定事核又何假於螢燐哉執事曰不足取信而天下後世有受其屈者此正太史筆端一念之仁今以示於

鳳林先生文集

卷之二

十一

凡庸何其厚也惟是爲親一節則生獨見不疑君親一道而力量有大小事勢有遠近遠者大者哲人之所易也近者小者一夫之所難也無用於彼又併此而棄焉進退無所據矣不爲治世之羞乎覲顏一出亦無所事事而太平之象實孝子慈孫有以粧點其間也且云歛其虛驕勿自欺而義利之辨捧翰至此心膽墮地執事之仁覃敷布化誤以及生是成我者之恩與生我者等也且虛驕之害於學也久矣虛以自養

可也虛以容物可也虛以待於無爲之先可也虛以爲實而率僞以驕人則自欺之弊有不可勝言者此其流禍無窮其端不已遂至義利不分無所顧藉蓋其本心不存不相管攝其勢不容不至於此昔者妄以爲學往拜於李世卿先生之門中間規海諄諄惟此十餘年來幾成廢墮今復領執事之教一噴一醒蹶然而動誠不知宿心之復萌也但念螻蟻微軀溷遊太學疎才拙意下人數等執事秉國鈞衡低昂斯世龍門之下拜者萬人乃與卑陋應答如影響則生何幸而獲此也手舞足蹈於天寬地容之中不知何以自裁又覲縷以陳伏乞霽神明之威更加教育生當感恩死骨不腐再瀆台顏不勝悚仄之至

與大司馬劉東山先生書

蓋聞天下事有可已者有不可已者不可已而已則失於直慙而無情或邀名或致怨有不一也可已而不已則進以貪而退有欲入以喜而

鳳林先生文集

卷之二

二

出以憂昔之保名如良玉而今則不自覺其瑕
且毀皆可已而不已之所致也恭惟台座少年
登巍科陟要路賦政半天下風聲義槩動四海
處廉以默處進以退忠鯁不忤於人道義自信
於已休而歸也壽藏一記天下謂之縉紳高之
知其不以榮利爲心而取匹於古人也無愧矣
方今
聖人御極戎務方殷徵執事於炎陲再臥在闕
皇華

鳳林先生文集

卷之二

七

重遣天下想蒲輪之不比指也而不知

皇王側席滿朝注心兵類備弛狄虜肆毒於北
門之外而南徼之鼠狗又不足言矣執事方以
平昔正大之學經濟之才爲

聖天子一勞焉前有荆棘而不顧後有登鉞而
不恐如此然後可以盡素所蘊蓄也倘時與道
違勢與志戾動而輒有齟齬則疏廣之車搖搖
於都門之外生芻一束其人如玉天下蓋有望
於執事也苟或矧方以開萊

徑損所學以

就功名之區以樞地非復閑散而可以觀者
任其氣則執事之事去矣不猶良玉而瑕乎執
事自壯至老出處之正風節之嚴廉素之苦天
下無容議者獨有暮齡一路丰采未畢天下之
士延頸而望側耳而聽惟欲大人君子全令名
終盛德以爲一代儒臣之宗豈直爲鄉里後生
之範而已哉生先人託交十五年今又十五年
分在卑俛每仰休光無由瞻謁辱臨敝郡鑒此
一得之愚以效其分嘗聞臣能受諫然後可以

鳳林先生文集

卷之二

七

諫君久稔執事之能納諫也抔土細流唯宥其
狂而容之死罪死罪

與內翰湛元明書

某啟奉違光範二歷春秋每仰嚴毅之容不勝
企慕高撥後會於蘇德夫處求行府下落撫衢
良久竟未得之有罪有罪今春潘希召畏友過
襄極道執事不釋口且辱寄聲生饋懶甚矣學
業廢忘何足以見念竊念執事方正厚重言動
不苟蓋古人聲律身履之遺意近世學道之人

執定外和內剛之見於凡檢身工夫大不用意與之遊者又以通儒目之嗚呼古之所謂通者果如此乎先儒謂未有箕踞而心存者此可以喻大矣心有存則無所管攝其能及天下國家乎嘉魚李世卿先生不滿人意處正坐此弊恐亦有所授也頃於林緝熙先生處見白沙先生帖以爲求於五經而不得則求之於吾心便放下重擔子了又以五經爲贅疣之物而求之心者爲捷徑易了唯其獨求之心則空虛清淨

鳳林先生文集

卷二

古

不見一物就是極處而凡經禮三百曲禮三千視之豈不猶桎梏牢籠使已不得以自肆也哉古之人寧學聖人而未至不欲以一善成名以是觀之則重擔子真是放不下也二老高深之學非淺近所能窺但恐後進者遂舍是而求之他便將墮坑落塹救拔不得執事所守甚有不

出塵之趣然湖山名勝亦自能累人執事

爲所移也今之時事想有建白去泰去甚此直救偏補弊之良法便中不以見棄而示之可也貴賓崔子鍾先生希召嘗與執事並論舍弟昔從之遊後未一兩斯道之在天下使求之者衆則何難之不易也見時乞道賤名上啟敝鄉易欽之劉養和二先生豪邁有聞想朝夕還往亦望引名養和聞在中書科歷事未知真否舍趙爾錫沉靜溫和不作崖異生之叔度也公亦乞道此眷眷冬初伏惟順時珍重以膺寵擢不具備

鳳林先生文集

卷二

十五

與淞江許台仲高汝白應邦升三公書兩辱枉顧何感如之執事神采精明自持端重且衡鑑甚明議論的確海內有人如此斯道之幸也使操之不已自信自師豈無豪傑之士從而興起者又何難之不易哉宋儒絕學康鼎先生窺其際矣以此老之慙慙辛苦七十年未見其大成後之

荒寧爲事吾恐益老益衰又不能窺康鼎之際
矣不肖少時有意於學無所於得累讀伊洛淵
源錄慕其人而不知其功及往拜李先生見其
清和正峻蕭然物外已欣然有吾與默也之趣
及講論爲學工夫側聞白沙先生與康鼎先生
不合處退而於私思其不合者妄折衷焉乃悟
康鼎之可循而白沙之妙非白沙不能及也是
用一意下學日用動靜語默不敢他求而亦不
敢以告人也誤蒙執事過愛不以爲迂腐似可
與進念此同志敢有隱乎閑中不惜玉趾充見
提携汝白邦升二位英妙出人便爾隱默端重
積之以歲月無懈於力不惑於衆吾見二浙之
豪在三公矣狂妄恕恕

與許台仲高汝白書

昨蒙兩先生過愛醉飽之餘感念無已僕本疎
庸不能自加鞭策日頽日甚以至於今求中人
而不可及誤辱推重實增汗惶每仰執事學道
之志銳矣精神一到何事不成但願益堅初

不惑於衆多之口不怠於忽易之時不惑於衆
多之口易不怠於忽易之時難方當是時提掇
此心使其光明專一有事無事皆是自家照顧
時節雖然其如間斷何所以間斷者亦由工夫
不密將疑將信便有不消如此亦得的心橫於
胸中座中聞台仲稱汝白之密甚有悅於吾只
用此字徹頭徹尾何聖賢之不可及又惑於衆
多之口亦是自家爲學不勇使其自表及裏皆
實用實學人將服從之不暇矣而何患其譏謗
已而不能終哉古之賢人君子不近人情以撓
致無巴鼻之謗嘗見其自求而已不以尤人也
此正守約工夫願與二君子共之二者見之不
疑守之勿失始有次第基址可以向進又豈暫
忘暫得東行西失者可喻言不倫次未至者幸
加教焉

荅許台仲書

閉門靜坐忽有仙釀之惠便覺滿懷勃勃生春
矣連日不奉教言憂樂如或見之士有孤立之

嘗病於虛位此有識者中夜展轉
其迂且腐也邇來執事同我汝白大賢有何
論有何思索有何解悟倘不輕勞玉趾乞賜華
帖以策退鈍之夫是望放會在四月初相聚不
久中間又復稀濶爲懷不堪甚矣

舟中與趙元默書

執事顧我於北門蕭寺僕拜君於館下主賓成
禮寒暄之外未有所請也意得稍俟從容便當
鞠躬屏氣持吾之楊夢以飲於滄海之中將充

鳳林先生文集

卷之

七

量而後已不料歸興橫發又值天道暑雨東寧
西掣漫自不能支持遂爾買舟江上風使舟師
兩未便利坐此困鈍近十日矣回望仙蹤猶有
可扳神爽飛馳羹墻在目每於清江北斗之下
未嘗不與鹿門爲之浩歎執事遊白沙之門最
久年又最少氣又甚銳往往見稱於師門白沙
翁海內人物今逝矣見執事似得其彷彿乃一
話而去豈天嗇人之願歟是之咎邪但祈珍
重道躬後當必爲

與林南川當談

有不離口也不才濯迹卑下一無所得雖
頗堅自待頗厚而氣不從志一念所至似河
猛旋復休歇一與一已蹉跎歲月以及於今
不如前時是則愧且懼焉執事幸有以教我外
有與許台仲論學數書并贈行二序草稿塵放
思惡又不能真書以請歉歎茲專小僕候行乞
示舟中筆硯不堪並望加恕餘惟珍重不宣

與王體民副郎書

曩辱書翫之惠珍感無已別後稔聞宦况清嘉

鳳林先生文集

卷之

七

存陟崇階且能遺外聲利而耿其中之所存是
不以世俗動也敬仰敬仰惟生苟安草野畧無
寸進去年冬又有南都之遊思得執事者朝夕
周旋矧我沉痾忽聞有太夫人之艱撫此念仁
人孝子之不能爲情也貴郡士大夫來備道執事
苦塊羸瘠忍而不衰喪禮之廢久矣有執事又
良爲世教一助小祥已踰伏乞少加俯從勉進
菜果以慰椿老之心是至望也舟行風便篙工
告急不得吊問殷勤此情如有所失

易欽之臨岐致拜意欽之肩暑雨送我於江
許其懷抱可知浙江四舉子曰許台仲王子揚
高汝白應邦升此皆志慮出塵趣向堅定若使
終無所變他日成就必有可觀不以生之迂也
每辱推讓亦嘗妄與議論爲學數帖及送行三
五詩序蓬窗苦熱不及錄稿奉目求教此執事
所樂聞者故及之廷信便草率奉慰惟珍重孝
體以盡禮制不宣

寄崔德宣年兄書

鳳林先生文集

卷之二

三

自戊辰都城判袂水陸異途聲聞不接已已冬
生再遊南雍始知執事歸府滯身入仕之途無
乃困於貧爾邪庚午夏乃聞蘇德夫物故滄泗
良久夢寐不寧者數日德夫資性粹然有志於
古先聖賢之學與執事切磋而進者而生亦以
同榜之末每獲清論緒餘沛然開發前後實多
德夫又不自滿中挹爲心動率見讓嗚呼德夫
之進豈有已耶而天嗇其年不得大成其器使
執事孤立無朋不才孑然遠望痛心流淚豈有

朋友之私情哉且繼承無人家計窘乏猶有少
母在堂執事亦是落水羅漢抑安能爲之地聞
執事復有鼓盆之悲今春不試良以朋友在殯
及中饋無主而然歟不然其果困於貧也古之
學者常履乎憂患之途始可勝重而致遠使執
事懊惱自度則亦已矣就於此段猛加省勵則
所以沮抑我者正所以金玉我也造物之情自
昔而然生自去冬整飭驢馬挾僕夫往試因取
道謁孔子闕里冒風雪忍孤凍幸一遊焉今正
方抵都下才踈思澁持論背道又見棄置由丹
而南領仕繻以歸塵埃漸染道路梗阻慘然不
樂者終日思念疇曩同隘蓬共臥執事與德夫
待我特厚一望河流便生嗚咽且斯道衰微未
有甚於今日者程子謂爲之者衆何難之不易
生之有賴於執事與德夫者萬鈞之重也德夫
奄然長逝而執事又在遠地困窮拂鬱無以自
存亦恐念予奪者不公而怠人興起之心邪執
事教我以爲何如伯興屢挫屢奮乃得一第僅

鳳林先生文集

卷之二

三